

愧

瘠

集

林二山先生愧

余嘗竊恠宋

以藝

學者談只及吏事不及文章謂  
文章止於潤身政事可以及物然  
則聖門仕學之訓非耶要之茲  
二者皆係於才天弗兼畀人惡  
能強之萊國之勳荆國之文君

子有遺憾焉甫先輩尚失余所  
兄事若二山林公居然負兼才  
云公自妙齡解褐官工曹即優  
工曹疏忤

武皇南巡謫州倅即優州倅今  
上厯遷長臬藩即優臬藩  
敕撫三楚晉中丞即又優中丞

雖薄領堆案而飫羣以藉研詞藝  
恒有餘暇既閱災投効歸結廬  
烏石梅岑之交優游偃息二十  
有七年益得以覃思舊業務高  
厲遠騁不欲作晉唐後塵嘗許  
海內詞彥僅許吾閩鄭禮曹少  
谷詩洛中崔太史後渠文呈四公

準古超今既皆有同者第郊之詩  
平公之詩所屬郊之文典公之文奧  
大抵均名富已抑余聞之制衣器  
苟匪切於人雖緻未必售立言  
苟匪關於世雖工未必傳將猶  
之疏流民之奏後世孰不皆亦其  
直美人遲暮之辭瓊樓玉宇不

勝寒之調後世孰不慕其忠公  
平生真文

國憂民垂老不易念見於斯集  
視昔之數賢殆若符節後千百  
祀當與並傳奚疑焉余自公楚  
歸叨托論文之契乘興還往或  
同遊名山輒有賦贈六十五旦又

季壽言今篇什具存人則不可  
作矣孤敦履等刻成請余序曰  
愧瘖公自志云嗚呼公醞藉以  
文章鳴雖弗究何愧於為士靖  
共以諫諍鳴雖蒙譴何愧於為  
臣厥聲四達而顧托於瘖其不  
伐耶其追訟耶噫是又可以觀

公之所養矣

嘉靖辛酉冬十一月望日布齋  
子柯維騏再拜書于烏山草堂

愧瘖集

序



林二山先生愧瘖集序

父者身之章也必根諸中茲諸  
外和順於道德而理於義始謂  
天下之至文日月星辰天之文  
也而陰陽為之根山川草木地  
之文也而剛柔為之根人稟天  
地之精并得其文聖人又秀出

乎茅夷獨全其所棄故能弘敷  
性靈陶冶三極曲成萬彙其文  
薰灼乎宇宙故爲天下之至文  
三墳五典八索九丘之書可見  
也後世若司馬相如楊雄班固  
之徒其文非不工也然皆不根  
於性靈不出於道流辭者猶剪綵

以為花塑泥塑象人不但非生  
意之自然其於治道亦何補乎  
聖人不可及矣而忠臣義士居  
官立朝嘉謨宏論足以救時政  
格君心有補於國家生民以不  
可以典謨訓誥而少之也吾宗  
中丞二山先生幾身正德中官

水部值

武皇南狩與駕部黃先生翠華  
同部蔣先生山卿何先生遵以  
危言匡

主盡室

詔獄廷杖濱死乃謫夷陵歷試  
諸難茂宣督績嘉靖甲午

進士二山其別號云

嘉靖庚申歲孟夏四月朔旦族  
生希元茂貞父拜書于鳳山之退  
修堂

傳

林大輅字以乘號二山城東人九牧蘊之後監察御史熊之玄孫也登正德甲戌進士授工部主事轉員外郎己卯歲

武宗降

旨南巡兵部郎中黃輦等疏諫下輦等疏首  
六人

詔獄餘同跪伏

闕下待罪大輅偕同官蔣山卿何遵上疏論

救謂願與諸臣同效死并下

詔獄有

旨廷杖謫外繼而隣舍因隙誣奏怨望復被  
繫連及室人幸白而釋吏部補夷陵州判  
凡謫官者率自矜不親簿領大輅曰一日  
食祿當一日盡職吾敢暇逸爲於是踏隱  
田以甦平民賠賦徭役輕重罔或弗均撫  
按遂以他邑諸務委之頗效勤瘁

世宗登極

詔徵入擢江西按察僉事久而擢副使嘗攝  
南贛兵備錄平寇功賚金幣擢河南按察  
使未幾擢右布政湖廣左布政隨擢本省  
巡撫副都御史甫歲餘屬水災荒歉民多  
流徙加之

藩封工役諸需告匱大輅引咎自劾言觸時  
忌罷歸飄然還山以讀書養親爲娛然聞  
時事可駭愕輒撫膺痛哭家居二十七年  
柄國之日非結交鮮得進大輅累被薦竟



報罷厚於宗族親舊有事極力扶之多與  
有司忤時論謂大輅孤忠大節可尙又優  
於文辭有愧瘖集若干卷享年七十四卒  
子敦復廕歷都勻府知府卒于任弟大輪  
領鄉薦今任餘杭縣知縣

右載郡志并莆陽文獻

今志稍改數言

傳

淑人黃氏永豐里石庭人副都御史林大輅妻也大輅官工部員外郎時疏救黃輦百杖幾死黃氏朝夕焚香祝天冀回

聖怒夫得生還而鄰人衛尉修夙怨誣以咀呪聞

上大怒復

詔下大輅獄并逮黃時男敦復才四歲徒跣抱託所親哭謂之曰此吾夫一塊肉幸善

愧瘖集

傳

視之赴大廷對鞫銅拶鉄箠備極慘酷至  
斷指不肯招鞫者諷之曰其速招可毋受  
楚黃哭曰妾祝天毋他念惟冀

皇輿勿出以蹈不測之危耳且妾夫爲諫臣妾  
敢妄招咀呪

君父以貽諫臣羞嘗獄中與大輅訣曰妾孕身  
不任刑自分必死爾

君恩未報變白在家幼兒莫知存亡可自勉力  
萬勿以妾爲念未幾產一男於獄中隨不

育都人聞而壯之五閱月小人以罪去事  
得自夫婦俱出觀者環堵拱手相慶稱爲  
鐵夫人云時正德己卯秋八月也

右載郡志

行狀

通議大夫都察院右副都御史二山林公行  
狀

希齋柯維騏

南京主事

先生林姓諱大輅字以乘二山其別號云系  
出唐九牧邵州刺史忠烈蘊公之後世居材  
行聯桂自十九世有妣趙氏節孝載在通誌  
中撫遺孤真寶公卜遷烏山下今所居後塘  
廳利是已生公高祖永樂進士山東道侍

御史熊公侍御直道忤時家居四壁生禮公  
有隱德禮生郡學生光衢公以公貴贈右副  
都御史配方氏贈太淑人生公之父易夫公  
號招唐唐翁多善慶一日遇虬髯丈人語之  
曰而貌愿而心古栩栩于于無畛無封吾號  
君招唐可乎翁喜而拜遂號焉累封都察院  
右副都御史配封太淑人許氏淑德通靈亦  
猶之翁也公生倜儻不羈宏材曠度貧益嗜  
義所館穀輒捐與昆弟婚唐翁偕太淑人喜

曰兒分匪戡兒之志則人所難也族大父貞  
肅公俊每每器之每謂族人是兒克允吾宗  
夫正德癸酉鄉薦甲戌登進士授工部主事  
督兩宮工竣奉命權商于杭會歲儉權常數  
不盈大司空廉公笑而謂之若已知而心不  
苦人矣勅諸司補之尋轉員外郎已卯三月  
上欲巡視泰岱歷徐揚抵南京下蘇浙浮江漢  
登武當且遍觀中土繁麗都下人情恟恟時  
寧藩久蓄異謀俟釁而發中外咸以爲憂于

是兵部郎中黃公輦暨副郎陸公震等䟽諫  
下輦等䟽首六人詔獄同跪伏

闕下待罪禍且不測公卽草䟽論救客有諷之  
曰方今官府勢分中涓左鐺持太阿以犄犄  
天下成化間網猶寬也杖者重裘疊氊床褥  
數月今者襦衣之端啓杖下無完軀矣君飄  
飄萬里外北堂垂白鴿原寡和竊爲君憂之  
公以事關社稷奚恤死生遂率同官何公道  
蔣公山卿同效死極諫論及邪佞從吏奸雄



覲覲收直臣之元氣安九廟之神靈

上竟大怒併下詔獄數月獄杖廷杖爾時陸公  
震何公遵等十餘人死之車駕遂不果出江  
彬之謀稍阻公與諸臣論救力也方公之始  
下獄淑人黃朝夕焚香祈禱蓋冀

皇心之悟與公生還也而鄰舍修夙妬乘隙誣  
奏怨望波及室人連繫獄中公之瀕危屢矣  
幸白而釋謫夷陵判過家懷慰二人時黃公  
輦奪職歸蕭跡不及城府時或泛舟訪公與

貞肅林公簡肅方公雲莊道槩几杖徘徊江山生色望者謂之龍門及抵夷陵夷陵固荒邑也名流左官之所大率養高不親簿領公曰吾一日服官一日盡職何暇逸爲于是採踏隱田以豁賠賦遠或月至近或日至山居谷飲朝夕風露徭役輕重罔不均輸墨池舊景純注雅池垣於豪家公復之建書院以禮諸生公餘夜講一時文風自歐陽文忠後爲之丕振三峽狂濤吹鯨駭浪公預爲振援之

術自是無弗援之溺無奪貨之橫舟行者未  
賴焉蜀人商江陵邏卒捕訊誣服以抵劫庫  
之罪公陰察其狀心憐其寃立爲開釋久之  
真賊得公之心自九商族黨咸爲林夷陵祝  
齡矣其勞瘁頗著撫按遂以他邑諸務委之  
肅皇帝登極徵爲刑部副郎父老攀援遮送咸  
願借冠抵京擢江西僉事持憲嚴明有體久  
而擢副使攝南贛兵備會思恩田州聚亂總  
制姚公鎮王公守仁後先檄公夾兵討之寇

用以平錄勞酬功賚有金帛擢河南按察使  
轉右布政未幾擢湖廣左布政隨陞本省巡  
撫甫下車間疾苦禁貪婪表節義脩隄防實  
軍儲均糧運諸務聿興逮歲餘水旱頻仍年  
荒民徙加之藩封工役諸需告匱公百心提  
挈停工蠲賦以贍流移疏災自劾言觸時忌  
飄然還山以讀書養親自娛益強仕年也色  
養封中丞招唐翁七年太淑人十一年翁燕  
集皆布衣老友公侍立終日亡倦老友謝公

休公不休唐翁曰弟子禮當如是蒲至今誦  
其孝謹家居二十七載巋然鄉邦典刑嘉靖  
間富人某捐學官田若干書生呈其事督學  
業已議祀學官公作祀典議謂上有夾漈艾  
軒諸賢彼曾有駐足地耶同堂而薦歲列有  
司之羅拜時受多士之駿奔誰其歆之云云  
督學聞而寢其事談者快之郡治脉接梅峰  
文治孕毓華要據山脊治第謬信堪輿家用  
斬關法勿令下漏公以此郡氣脉所宜遺書

長吏備言不可狀長吏嚟弗問越兩日已深  
三尺公以事急矣即同抑齋鄭公扣公門拉  
長吏共止其役其憂時孤憤往往如此時觀  
風使君若李公元陽李公鳳翔暨金公城陳  
公宗夔曾公佩趙公孔昭等累疏特薦或謂  
負經濟之才識足以議政決疑抱忠讜之節  
力足以扶顛持危或謂世務鍊達迎刃可解  
忠憤激烈任重奚難或謂德望夙著于中外  
行誼見重于鄉評年力尙強試之輒效經畧

素著久而益精此則屢經推薦相同堪以大任者也而公朋松石介之操若終焉

肅皇帝末年南北多事朝議推公定難才柄國欲植公爲重每諭意所親公遙謝之曰陶弘景籠頭之牛僕已稔之鐘鼎山林各適天性漁樵歌咏亦可粉澤太平時或斗篷短衣與朋舊登山遊玩論文賦詩飲酒自樂然而忠貞天植憫時憂世之念未嘗少輟聞及時事可駭愕輒撫膺痛哭厚於宗族親舊有事極

力扶之其先世墳墓祠宇或捐貲脩復或割  
田供祀至創建五代家廟左殫厥心唐翁太  
淑人辰諱則哭泣盡哀時論謂公孤忠大節  
可尚又優於文辭有愧瘖集若干卷行于世  
文駕韓柳詩入唐奧人珍半刺有踰九鼎益  
得于艾軒素翁家法深矣公生弘治戊申十  
月初七日寅時卒於嘉靖庚申十二月十三  
日寅時享年七十有三癸亥歲葬于華巖雞  
足峰與封君合窆焉唐翁晚舉幼弟大輪公



愛之撫之夷於己子卒成立領嘉靖乙卯鄉薦任餘杭縣知縣男四長敦復廕歷都勻府知府有靖寇功蒙欽賞所著有屏東集淑人黃出娶布政使周公宣女封安人敦履郡庠生側室黃出娶提學副使顧公陽和女敦艮邑庠生側室王出娶知府鄭公懋德女敦乾邑庠生側室方出娶副使高公超女女二一適知州黃公大中孫生員逢恩一適布政使朱公鳴陽子生員士隆俱側室鄭出孫男六

敦復生肇曾邑庠生敦履生次曾唯曾敦艮  
生憲曾慶曾敦乾生懋曾公始終完節例應  
卹典天地雨露之恩有待焉余在告多年父  
子弟兄侍公教澤文獻列傳紀公未悉茲諸  
孤以行狀請不揣復櫛其大要以俟夫立言  
者

愧瘖集行狀終

愧瘖集卷之一

莆田二山野人林大輅稿

四言古

經始墨池書室

州庠衢西直百武有水曰墨池相傳郭璞寓此注雅成化間據於世家垣而圃之予到州適久雨頽垣州師生援舊志求歸于官予核而歸之師生懇言曰可規度作書室予乃從事焉

粵茲墨池其源澄思疇其圃之亦永爲期經始  
堂室于庠焉司人言振古徒庸弗疑

粵茲墨池其流弗䟽而濶可舟而勝可廬爰作  
棟宇隱如章如弦誦之教日月居諸

曦煦于旦泉甘于津魚遊于藻木榮于濱效順  
乃靜含靈乃真翳茲卜築熙皞之辰廣文有則  
多士詵詵

右墨池三章二章章八句一章章十句

墨池書室紀成

章章紫雲藹藹同文粵新太觀堂宇其懃君子  
戾止有蘭斯芬曷以紀逢明明我君

景星輝輝墨池冷冷書室考成墳典爲經君子  
戾止有蘭斯馨曷以志私鑒彼山靈

粵惟論古注雅奚廬晉人貞蘊今侈其譽青衿  
秩秩爰讀爰居賢關伊邇曷言躊躇

維山有桂維江有鰾桂榮者清鰾躍者深泮西  
名物臻臻于今偕爾廣文載歌茲銘

紫雲四章章八句

曰紫雲休徵也宅  
勝振文古之跡也

黃陵卽事四章

楚蜀峽險行者多覆舟在夷陵域黃陵  
上下徃徃見之舟覆人溺濱江之人操

舟救之黠者掠飄囊浮篋盡取無遺溺者生則詰于官逮繫踰時多瘦死嗣溺者罔救或伺隙刺浮利其有子到夷陵再見聞之嗟嗟閔焉乃爲之約救人者遺物平分贏則三之一一匱則量與知者保者公持之詐譖反覆官則治焉詳議于當道勵子必行嗣是無弗援之溺無奪貨之橫無獄死之夫子還往黃陵舟夫相俟陳狀予乃紀之

三峽狂濤湯湯怒號上流緣蟻百丈持牢下流雷霆錯石浮鼇津人拯溺寄命毫毛溺也不死疇憫其勞願言惠利解艣焉操

砥戟如麻眩觀咄嗟三珠百仞冥象蝦蟇鬼神

閼險日月韜華吹鯨駭浪分閼淩巴津人拯溺  
舩艣爲家妻孥飢渴孰解紛拏

廟前三巨石相  
去百餘仞諺言

日三珠象  
如蝦蟇然

秣歸斗城峽江深情微茫舟楫戒候陰晴刺篙  
如失風與水爭黃陵舟子水裔經營如鷺浮沒  
於人載生邀焉嬰稚偶語歡迎

鄙人凌競半刺奚能津夫在御突馬奔騰活人  
者報分金與繪簡書作戒貪狼營蠅眷茲民隱  
力行允徵輿言倅甫天日西陵

淮陰義婦誄

徐節孝集云淮陰義婦富商之妻李氏有姿色邑人有同商者見而悅之因道殺其夫厚爲棺殮持其喪以歸紿云溺死且盡歸其財毫無私焉於是伺其除葬謀爲婚媾且自陳有義於其夫義婦亦爲之感泣遂許嫁之乃一日家有大水水有浮漚漚其夫輒顧而笑義婦問之未應遂固問之恃已生二子不虞其妻之讐已即以實告之曰前夫之溺我之所爲已溺復出勢將自救我以篙刺之遂得沉去所刺之處浮漚之狀正如今日所見義婦默然始悟其計而復讐之心生矣即日伺其便即以其事奔告有司卒正其獄棄其讐子夫讐既報又自念以色累夫以身事讐二子讐人之子也義不可復生即縛其子赴淮投之于



水已而自投焉予過淮陰細詢遺跡古  
已忘矣然而讀節孝之述激其義千古  
元貞豎人毛骨噫  
吁尚俟微言耶

緊哲婦傾城兮奚言累夫彼毀貌自藏兮乃寶  
其軀嗟嗟富商兮儷茲少姝

爾商溺死兮爾財能歸婚以報恩兮孰是與非  
嗟嗟殺商兮鬼司其機

惟口禍階兮疇能食之篙以刺浮兮賊毒爾私  
胡浮漚同形兮魍魎之辭

片言復讐兮而心匪石讐其二子兮三沉其骸

幽憤皇皇兮淵淵白壁

人皆有生兮爾生可愕人皆有死兮爾死可作

高天烈日兮虺蛇潛伏神其來游兮黯然澤玄

文姬寡兮妻于胡人歸而嫁兮復辱其身列傳

侈言兮萬襖沉淪我歌慷慨兮若子若臣

北神烈婦詠

徐節孝集云烈婦有美色夫爲小商舟行上下載以自隨至于北神其夫病死貧無以殮同舟富商者假貸與之喪費所須一切皆具是自恃有恩顧其妻以爲已物烈婦旣葬之三月復墓以歸勢且甚迫遂取其嬰兒縛置胸前母子號

呼赴淮而死是其所以自度者其勢終  
不得免焉也與其被汙而生不若潔已  
而死也嗚呼其決裂如此是豈可不謂  
之奇女子乎夫北神地不可知烈婦不  
傳名氏鼎彝奇節豪傑所  
難諸典女則疇其似之

蹇蹇烈婦一死奚難縛兒同溺倏摧肺肝淮淞  
毓偏浮膚遺安采芳采芷永言來觀

北神奚區雙肌載漬號呼籲天泣血滿地胸臆  
裂戈嬰兒焉視矯矯剛風死生夢寐

夫死而貧胡假喪費恃恩挾妻委身如棄烈婦  
先幾章章執義容與流芳倉皇造次

七尺之軀丈夫曷生平原却賊睢陽死城北神  
留玉雷霆爾聲遐編不氏千古爲盟

浦城館人言別四首

清湖南陸閩壤天霜蒼疊晴秀雲野將將棲霞  
高只亦有剛卽我懷伊眇疇與壺觴

倦遊談隱若與山盟山人相餉玄谷黃精胡弗  
寧止栖遲我情遙遙荆甸蹶蹠浮名

浦城信宿念茲館人買舟南下欽予逐臣豫言  
擊楫九谿之津羅灘可祝張祠有神

館人言別醇醪載辭奚以贈之我歌茲詩奚以  
慰之江湖永思我生偃蹇邂逅焉期

石門

石門環青霞檻繚絢雪氷肌顏達觀舒卷琤琤  
鳴泉載游載詠白如淥如激石涵鏡虛舟薄崖  
干梁之下茂樹層壇蓬山秀野糾紛者囂胡弗  
護落西雲潛夫寄情玄廓

懷舊三章

脩脩紫山紆紆玄谷羗淹留兮予獨願言友朋

行歌只穆

紫山載陰玄谷載深羗桑梓兮予襟我思採芝  
之人兮遙遙爾音

林有倦羽淵有倦鱗章章我辰以沉以淪天路  
尹邈睠茲雲津伊我懷人兮于谿之濱

五言古詩

元夕余黃門宅上讌集

旅情良繾綣勝集同清歌長安故人宅爲歡能  
幾何奚童邀瘦馬春日初經過筵中有楚舞振

劍影婆娑杯寒烟入戶  
氈煖星明河令浮交野  
語懷適虛詩魔折響催回  
騎風喧思鳴珂紉蘭  
芳漸遠淬鋒刃欲磨靈鑰  
曾宣哲勲伐豈蹉跎  
他年思今夕天衢無網羅

馬子莘博士考績來京

昔者武林客同君泛西湖  
披襟躡雲蹬催飲聞  
提壺新詩不自識靈境  
忻初徂天竺煙霞寂高  
峰南北孤奉常試禮樂  
博士將蓬弧別離看青  
鏡晤語戾玄都伊予秉  
微役稽首瞻黃虞顧慚

犬馬力奚期雲霄衢嗟嗟避市虎綿綿志城狐  
相如稱倦客王子論潛夫我志遷塵務君顏娛  
道腴賢智知自警良朋勝盤盂願言崇明德愛  
茲七尺軀

朱守忠梁日孚陳惟濬同會馬子莘寓館  
春夕燈燭光高樓歇塵鞅四客無報書聚樂皆  
吾黨柱史氣自豪儀曹性高朗南北兩奉常慷  
慨開函丈繫予田野人邂逅成孤往詎謂燕雀  
棲敢混鳳麟網嘉言陳璠璵新術刈草莽穆穆



冲而順休休容而廣神機在虛盈物情徒俛仰  
大器廟廊珍休運芻蕘獎眷眷思古人友朋麗  
澤長明星照踈櫺煖風吹靜幌誰云楊子雲玄  
言得真象

鄭繼之宅會朱守忠汪子宿

三子皆時望古誼眇相期茲夕得傾蓋如挹瓊  
花枝拔幟良自信標榜竟誰疑每談洙泗學况  
多莊騷詞閩山武夷近越山天目竒會稽鑑湖  
水大觀良在茲柱史初行志吉士亦憂時儀曹

悔晚祿欲歸種商芝意氣多昭曠我病胡支離  
同心未爲晚同言寧詎知感今憂漆室懷古墓  
具茨出戶人事錯還山歲月遲叩闥吾道在長  
與子相思

與馬子莘飲作

太常予所欽五載不相見南來聞好音煩抱微  
自前志士憂江湖願人懷京甸蘭芬挹言辭山  
立貯顏面君有至道姿匪直儕狂狷別離夢寐  
間淹留寒暄變敝廬近西橋庭草芳而舊攜手

念同袍俛俛談貧賤莊喜惠施遊嵇辭山濤薦  
洗泥只濁醪虛言張新宴三十漸白頭脩名匪  
自銜

詠志同子莘作四首

束髮窺周行蹇步懼奔佚多岐肱復脩狹徑蒿  
萊茁生平不自強蠹時遑予恤揮霍競榮觀從  
臾失心疾人言徑寸珠其價光萬鑑至寶苟弗  
珍魚目亦奚述

南北自脩程江河杳所思所思竟何言令德同

自怡援劍俱壯夫。盍簪偶茲時。鸞鷟有靈性。振  
翮雲霄遶騏驎。日伏櫪塵埃。詎能知所貴。辛勤  
心。翛然黃髮期。

佩玉須璜玕。佩草須芝蘭。珣玞非奇珍。蕭艾隕  
微寒。卜商貌何癯。原憲歌聲歡。侯嬴老已至。偃  
蹇多辛酸。京洛結駟者。聯翩迅高翰。旁觀有微  
言。古道良足嘆。

人生無百年。譬如風前樹。春陽分微和。嚴霜白  
彌戶。清歌和者稀。瑤琴無遺譜。子來何其遲。披

襟談千古龍性不可馴鳳文人皆覩天倪葆其  
真崆峒招道侶

訪黃后峰讀封事稿二首

黃憲自閩來鬢髮已非昨問之有遠思微言涕  
俱落天王十四年化日淹行樂雪帳遊鸞輿凱  
歌震沙漠十日職方卽封章意連絡聖明能  
容言苦口得良藥微臣思致身俟命甘泉鑊開  
罪江海深包荒天地廓皇皇走百寮愧矣乘軒

鶴

瑤池穆王遊遼海隋煬拓昔者圻父詩周道猶  
能擴郭生奚其忠諫書直而約嗟嗟漢武才開  
邊有衛霍輪臺詔雖遲萬象恢皇畧古事可長  
思哲人感龍螭紫霞大明宮黃子志寥廓高如  
飛溟鵬清如橫霄鶚狂夫慨同袍驚心重然諾  
思君多苦辛凡情莫能度

卽事四首

孟春氣微煖太液流晴波鑾舟宴蘭渚彷彿蓬  
山過西華雪初淨東日彤霞多妝樓虛綺石華

蓋偃松蘿玉鑰深宵閉言奏靈芝歌昭陽鐘未  
曙雙星橫天河

豹房雲如渥沙門照佛燈齋心凝色相苦海岸  
誰登夕風吹鐘磬九五雲霄層大內明蟾寒玉  
橋金水澄前皇夜思政不寐待晨興異哉西方  
教清朝方崢嶸

十里南海子皇苑開上林珍禽安可數駭獸蹲  
遙岑閭人列天網猛士橫其鐔肅氣薄蒼昊微  
霞京洛陰獲麟異執鹿聞鳳陋從禽西臺羽獵

章諸子胡同心

西山百逾里諸陵千餘年億都日月麗天馭歷  
霞煙列皇思孝治關鎮擁喉咽萬國瞻龍寢千  
官探鳳編昔者鸞輿往竭來虎衛遷英靈保王  
胤循省今皇賢

仲夏建內氏復下

詔獄愴然志憂

那知罹百災萊妻欲同死鎖械分天牢雷霆威  
有此顛沛裂肝腸涕下孰能已昔者得生還遺  
榮如敝徒患難逢豺狼戚戚聊復爾並死誠堪



傷一生差可擬人言當俱生輿情諒非詭我躬  
不自持况能念內子忠也稽諸終壽也鑄諸始  
決絕語通宵否泰俟神理復兒寄所親畏人乃  
蒙耻獄祠一瓣香今日復來視病間還乞靈殷  
憂惟隱几百年逝如馳風波事可紀

紀夢

囚人常夢赦縲紲同愁城闌扉留一夕忽忽多  
屏營如何夢寐好覺來猶歡嚴天衢交車轂同  
袍惟公卿嗟予罹重譴翻覆憂無生此夢奚宜

至人事胡崢嶸豈謂肝膽私能與鬼神盟乍喜  
悲相失奇逢疑竟成踈櫺湛明月悽切意難平  
詰朝報同繫庶以徵予誠百年有此日嗟嗟死  
生情

題畫

出雲越千里倦雲淹一丘山中夜來雨風波回  
虛舟山人閉庭戶野日明滄洲江湖渺何許悠  
悠雙白鷗

贈鄉四子

鄉李子光林良臣陳國相鄭若珍四子  
於予憂患愛助多焉痛定思痛其永弗  
誼矣

李生長一紀磊落聞吾鄉十年推雅抱歌詠稱  
詞章又爲京洛客照茲日月光諫書曾予速憂  
患意徬徨忽得全生報仰天喜欲狂贈子以赤  
管相期賦滄浪

弱冠烏山徑讀書宿林園君篤同宗好世故或  
深言燕臺淹詔獄乃知獄吏尊錦衣翻雲雨十  
旬愴營魂囹圄糜萊隔昕夕致溫存病髮今能

長念子歌芳蓀

陳子吾所念殷懃過七春談時辭若憤憐窮情  
彌真視子同憂戚扶疾連昏晨他鄉解兄弟君  
如骨肉親餘生五斗祿卻慚遊風塵躊躇嗟遠  
別夢寐俱酸辛

涉世胡多患骨肉生別離邸舍閉昏黑清晝雷  
霆垂託君以弱子母貽父母思君能戒童僕飢  
渴慰吾期煦日照枯槁獄宵長支頤相看如隔  
世何以報吾私

省愆五章

冒昧遠謫舟日南矣  
載瞻長安省愆自咎

少知天壤濶茫然岐路艱出門扶桑曉長風吹  
羽翰壯歲忽蹇步俛仰迷真觀將睽中孚感奚  
協同人歡玉韞孰云貴株守良獨難南山有隱  
豹北海有翔鸞蘭蕙幽芳結九畹歲當寒遠遊  
雖云健濩落詎能安

浮雲滯高影河流混以深渤澥同噓吸霖雨來  
西岑淪飄從行邁抱鸞嗟予今昔者上林苑天

步日登臨瞻盼迫遲暮金城俯層陰政洛事可  
監止輦力難任豫章復征戰羽書胡滯沉客遊  
隨南北惻惻悲秋吟

沉憂變玄髮悠悠亂我思物情每翻覆哲士嘆  
支離刺牧尚微譴畢志肇於茲汲黯豈希世賈  
哭奚蒙疑嗟嗟鼎釜養疊疊君親私辜深神亦  
瞰數竒官初移子牟懷魏闕我生值明時不問  
季主卜謫官從棲遲

憂患困泥滓奚能自激昂慷慨暮儔侶桑弧射

弗長中散會玩世步兵胡詭狂鷄棲一枝足風  
林禽乃妨守道將玄默沖虛志未央至人過知  
悔大業顯於藏遺知澹形役所憂非稻粱堯民  
歡擊壤予亦歌義黃

夷陵達荆甸干旌嗟獨行端居念民隱懷保滋  
群生簡書有程限江漢西來清豈謂閒吏務所  
期芻牧成遐思武城宰盈耳絃歌聲君子貴勵  
志烈士匪矜名矧茲弱植質兼之薄遊情省愆  
慎終始庶幾盤孟銘

喜江西平卽事呈京中諸君子三首

天地憫下土好生洽有年逆藩蓄異志孽釁小  
幽焚鄱湖舟如蟻群醜莽迴旋宸濠東天網劉  
李同拘攣一時首事者豺虎蹈深淵撫臣恭天  
罰華夷義聞傳三旬能獻誠當宁望逾懸江漢  
流宗海日月明行天乘時樹勳伐元帥豈非賢  
放臣記外史歌章畱簡編

報至清源久王師伐氣揚鷹犬驅行在兒義各  
昂藏西江亂底定廊廟覲文章寢兵誰論諍



唐斷望輝光南狩效古人流年膠雪霜扈從黃  
閣老金陵遙相望論功更遲滯分俘終倉皇淮  
南憚汲直輪臺漢詔昌主聖臣能忠泰運垂衣  
裳凱歌忘帝力振旅臨淄鄉

戡亂須用武脩文在明時唐虞世已遠大道日  
陵夷江藩螟蠓爾殲艾復奚疑湖盜皆逆黨亂  
濤孰共追山焚玉同石林鋤蕙弁藜夜郎謫李  
白僞官羈王維顛沛不可度患難亦奚辭國門  
兵不戢桓桓非熊羆闔尹播皇怒四家戰非期

功爭事始嗟嗟釁者誰

寶應懷古

孤靄平津飛寒流夕飈起冥茫抱石雲蕩漾浮  
隄水詠古綠牕晴懷新青幙徙蕪城曠野烟平  
楚廻荒汜大觀動遠思鳬鷺菰蒲裏禹迹幾方  
輿維揚弘地紀

叙舊寄懷周永嘉子厚張國子惟喬

巳卯歲季春諸臣上封事天高不可聞百神拱  
靈異頻沾雨露滋敢於雷霆試烈風何其寒慘

累雲間至庶草飄如蓬松栢亦捐棄繫我昧前  
期孤懷尚能誌昔者漢道張危言誰避忌一時  
意睽離公卿多屬吏譬如沉江河生以舟楫致  
吾病同憂虞相看猶夢寐周瑜人中豪慷慨聞  
棘寺張衡呼帝閭沉毅勅行志諸賢彙以征未  
有嬰鱗愧三木稍拘孿園土同安置豺虎或深  
腸病牒真爲祟守校憫人窮北司欽善類鎖鑰  
舒昏黃饔飧未爲累眷言聖明朝青霄無魑  
魅走也愚而狂雲門竊餘吹顛沛能不驚生全

天所昇世事豈能謀羈孤亦云寄永嘉山水鄉  
膏雨民同利國子重達材文明臻盛治賢哲自  
登庸庶稱瑚璉器西陵敢倦遊肝腑能深秘卓  
魯稱循良青史人增企弱質更迂踈農桑勤撫  
字成名諒獨難保身亦不易同志訂交盟吾黨  
立赤幟秋深鴻鴈來選音或予值子厚惟喬皆  
同時被謫

吳門雜詠八首

歷旬移朔舸寒序初授衣京口清霜重江干楓  
葉稀遙遙逆旅懷冥冥鴻鴈飛西津多野渡北

國渺山屏誰言鄉關遠雨雪送將歸所思菜子  
老猶堪戲親闈

零落自蒼莽寒芳雜芑蘅沙鳬偶晨泛逐客催  
南征戴山隱屏淨葛井仙源清孤泊虛玄髮風  
波何時平晚來盈尊酒綢繆親朋情微軀久疲  
病浩氣胡崢嶸

蘭皋含野日孤渚依玄洲侵晨聞漁父鼓枻歌  
中派人言張公洞玄鶴鳴高秋江湖隨地濶形  
勝達觀樓吳航與越舸絲管恣宵遊予方擁衾

坐嘆息茲滯留

毗陵岡阜列林麓樓蒼雲奧區多詞客季子耀  
前聞懷賢匪但爾撫化良已勤行將卜丘壑於  
焉辭垢氛邂逅同袍友綠綺鳴宵分慧山擬登  
勝歡與麋鹿群

昔者遊京洛操觚金臺篇同時知童少雅道奚  
由宜東署初遷謫南征逢鄭虔行藏談時運意  
氣稱希賢買舟登錫巘雲間鳴二泉白雪偶同  
調振衣招天仙

瑤樹蔽霞宇金壇分霜岑迴風飄以灑泉聲多在林歲華轉如轂客子倦遊心我友陳無已晤語松門深昔別貽蘭芷三年音書沉雞黍盟茲夕頻憂同開襟

虹梁度華楫遙瞻虎丘阿霅雨細流急胥門水增波古事誰能記野懷今已多攜觴候客者蕩漿雜吳歌劍氣全消歇遺墟荒松蘿老宿談桑海嗟嗟予重過

阮籍窮途哭榮期長齡貧古人日已遠前籍時

相親棄置勿復道雅遊未沉淪遙遙荆門樹行  
行楚澤濱巫山遠三峽章華夢非眞世故悲江  
漢羈孤報主身

初歸之夕叔祖素翁來慰感事十首

報雀從人喜還家若有期餘生牀下拜病骨慰  
相思豈敢論家學遭逢却 聖時

祇謂凋零去誰知偃蹇歸忻懽春不淺燈火耀  
柴扉辛苦辭長路娟娟萊子衣

夫子文章伯清風浣世塵百年談義命萬事重



君親長跪陳離別孤懷一旅人

黃花隔幾秋相見解離憂慰藉談身事難虞亦

判州燈前悵疇昔慷慨仗吳鉤

翁昔疏妖僧  
謫判姚安州

國恩猶未報世澤重霜臺問訊雲莊楊洞霞連  
紫苔東山真繫望謝傳濟時才

桑梓妻孥喜江湖劒佩懸夢牽風雨夜歸近雪  
霜天俛首思今夕門墻迥昔年

早爲京洛客玄髮歲華明湘漢幾千里秋風動  
客旌壯遊胡不樂莫漫寸心驚

望鄉過半載頻聽北來鴻止舍今何夕寒聲落  
桂叢翠華傳白下回首百憂中

楚璞人難識隋珠價自高向來經世者天柱峙  
蒼濤潦倒吾生在年華欲二毛

山雞空照影澤豹好藏身三峽西征路九江北  
望春大觀俱在楚雲雨滿天津

公征蜀功甫成疏歸

謁祖諸墳敬述所懷四首

謁祖多矣唐若宋代遠族衍也五世而下白沙下戴桂林諸墳其懷之弗諠夫

初曦遲南舟晨餉棠村里白沙流清陵逝者盼

涯渼寒風黯以淒蓬門凭復徙聞祖勝國才劍  
氣橫雲凡明經選椽曹行藏述野紀悵彼浮世  
蹤息茲青丘壘宰木久合園狐兔穴荒址冥翳  
玄宮連谿毛薦終始雙墳肅以高俯視環流峙  
遺休締簪纓巨宗胤孫子側身觀我生蹉跎慚  
國士歸舟及暮鐘廻瀾漾芳芷

右白沙

福十六府君仕于元葬白沙凡兩墳別附宋妣堪輿家謂勝地云

西城步肅清蕭騷眇寒序眷言遊子歸瞻掃振  
玄緒貞母節甫筭遺孤孝稱巨興繼危如綫籍

籍白頭語數世績文章煙雲麗機杼天馬西南  
來蜿蜒抱泉渚尼宮鐘鼓鳴耕疇收祀黍勝觀  
九華竒雄衛八壺佇出城望此墳五世登芹俎  
禁域古逸民荒榛竄蒼鼠來孫今移官俛仰每  
車阻夢寐如可親德言教遊楚

右下戴

遺孤壽九府君同貞毋趙葬輅未  
登第招翁展墓寐荔側夢府君語

之謂予  
能亢宗

桂林三世墳鳳凰西翼遠蘭臺胤垂慈天和神  
所繼束髮登崇丘寒食醅餽飯風霜漫古阡龍

肯拔茅晚山靈護芳勤層崖開混沌吾祖盛世  
英思讜恬嘉遁大雅有遺篇篋笥珍素悃隱矣  
堂若封猶林日華暖眇劣誦前修一官同蹇蹇  
氣淑及蘭皋魂遊或蕙晚振衣拂蒿萊浮雲任  
舒卷行藏難前期江湖遊子返

右桂林

通軒公永樂登進士第二十年臺諫以忠奪職竟薄葬

訥翁如古人敦粹成嘉踐髫年祖抱孫期予以  
瑚璉襟度尚黃虞道論飫墳典泮齋蘋藻深友  
朋雲霄顯艾歲謝辛勤儒術猶黽勉泉堂歲久

封丹燭誰遺篆招翁夢下誠雙玉蒿萊淺展掃  
意躊躇廣愛猶流法懷往慚浮名扶衰思積善  
金臺偶夢遊新隧初藤蘚風木靜栖鴉五字龍  
章撰茲來紀玄微桂林摩雲巘

右虎林

諺曰野猫林以荒翳或過虎也祖  
訥齋公暨方妣葬焉三世異封盒

兩墓  
云

和蔡教授希淵遊雲莊作

昔人愛山水縱飲沃詩腸廣文秋八月買舟遊  
雲莊谿連梧櫨徑人比桑麻塲鳴雞日影午炊

犬雲光長巖花知時節扶踈散天香心閒鷗鳥  
定意適匏尊狂攀蘿憇素洞倚石遵脩梁二奇  
稱奧詭四美絢文章廣文篤大道浩氣莫能當  
鑢鄒曾百鍊美玉韞青囊即欲探禹穴蘭蕙製  
衣裳緇塵滿寰壤冲襟思羲黃眷言剡谿曲戴  
逵稱行藏

時希淵欲  
辭官歸浙

歲暮歸懷老稚相談悲喜予思前創感詠

八首

五旬粉榆徑季月增授衣將迎東病骨晨興戀

東暉殘臘春先至青鳥鳴雙飛誠童莫辭客間  
訊初言歸

泛愛東山青放言西雲薄襟期如昔敦年來霜  
華落天杪盼冥鴻海門見歸鶴鳳凰千仞棲孰  
云懼增繖

俯仰神力疲丁年班毛髮登雲俯珠林望海步  
瑤月鳬鳶不避人風濤游還沒秣陵淹翠華時  
序坐超忽

浮屠稍續遊丹霞碧樹洲別語皆離垢客心澹



以悠蕭條感節物浮槎雙谿流三湘息簡書願  
言茲淹留

遊子喜已歸欲出路漫漫擣高延建峽楚湧洞  
庭淵閒居良友集離歌素絲彈長沙汨羅遠吾  
黨永思嘆

承歡屢思家漫客驚岐路寢食魂屏營直以桑  
梓故毛義捧檄情彭澤歸來賦西北風雪途行  
行一返顧

昔人放澤畔行吟思明君去矣逾江漢三閭欲

同群雙鳥桃源杳  
臯蘭揚素芬  
壯圖何寂寞  
太虛空浮雲

歲事愴庭闈  
離程榮懷抱  
楓林十月霜  
天風吹枯槁  
清世采紫芝  
商山非四皓  
誰能遊太清

攜我耶鄆道  
天威咫尺責辭肅嚴過家入楚不敢愆期

贈從兄朝居

兄北上調予罪重來治後事未知予有  
妻子之難謂計程可到未知有江西之  
變之阻進退倉皇寓淮兩月予南下乃  
相攜以歸行將徂楚紀事贈別亦以彰  
兄弟之  
愛也

正德己卯春陽光流元液 天子欲巡遊旌旗  
躍戎翟止輦有危言深爲志士惜械繫無好音  
天威嚴咫尺腐儒不諳時悲憤竟朝夕冒昧效  
微忠禍福無遑擇 聖明寬予誅百杖輕招辟  
蹇屯無完膚匍匐雙股躄魑魅盤我牀沉虛驗  
六脉藥理有深功餘年幸而繹罪重罰且微浹  
旬罹橫逆萋菲入大庭顛沛長衢宅荆妻亦同  
辜下井紛投石僉謂罪則然疑當受斯厄霄漢  
不可蒙氛曠終自釋眇眇荆蠻鄉悠悠從遠謫

九月下幽燕方舡催巾舄清源路不通南北音  
書隔去住心沖沖袁家流水汨濟上聞人言我  
兄久行客遲予居彭城倉皇落魄魄不寐坐天  
明頓能寬肝膈孟冬日者五會兄淮陰驛相語  
淚還流拭淚江雲碧言接后峰書辛釁叢而積  
招翁寢食違慈母衷腸折憂患苦駢臨謀身亦  
何策時及仲秋初問病勤行役風雨阻脩途列  
城戒兵革造次戎馬間淒涼斷行跡北望天之  
涯傷哉無雙翮生還恩已多感嘆今猶昔人

生骨肉親相扶在急迫念兄肯遠來使我心愉  
懌鵲鴒今在原贈繳焉能易涉水驚瀾茫登山  
虞瘳瘳斗酒話綢繆茲會意所適桑梓惠前歡  
窮年歸草澤間兒何瀟滢老顏恍然闕長跪咽  
言辭引慝徒踧踖戚戚將別離西陵亦沙磧湘  
水有檐榆臣心元自赤危坂日荆榛誰當芟夷  
責馳驅不執禽舍此終何益回瞻古囊翁遠愧  
談玄席寤寐勞吾生歲月不滿百行當謝喧囂  
相隨辨菽麥

附后峰贈從兄朝居

吁駭初聞報倉皇獨請行兵塵瀕洞日兄  
弟急難情萬里歸鄉國全家荷聖明至  
今風雨夜漂泊記彭城

正德己卯暮春予與二山相聯以罪手獄  
既而幸蒙聖恩寬宥俱從末減予放歸

二山樵三職未幾二山橫爲小人所陷株  
連入獄又賴天日照臨竟得表白而小人

者反得罪以去天下快之方吾二人之被  
罪也予季弟送我于濟而仲弟迎我于淮

予嘗賦詩紀之其末有曰從來不得他入  
力比途南迎總弟兄獨二山終鮮兄弟其

雙親老矣又時江右變作江以南皆用兵  
惟從兄朝居毅然請行行未至與二山亦

遇于淮正吾仲弟迎我之處兩家之事何  
相類也二山念朝居之義不忘爲作長詩

贈之謂予知當日事屬之言寥寂短章不  
足以揚朝居見朝居念吾弟焉二山林姓

名大輅字以乘朝居名字與二山同祖予  
仲名布字仲宣季名肇字叔開皆予同母  
弟也義得牽聯書

以爲兩家世講云

正德十四年歲在己卯冬十二月除夕古  
臺山人后峰黃輦誌

### 過新嶺

郵火照村徑山風吹海潮鳴雞夜將半前館路  
何遙回首江門近離魂不可招

三更到蒜嶺黃外叔許舅謝兄候予作

楚客親童僕披衣候明星出門屢回首適遠如  
飄萍親知意不薄祖帳分征亭方舟溪水白開

觴後村醺感茲顛傾倒奚能羨獨醒江梁風浪  
惡寒轂滿滄溟前驅已寂寞陶然撫宵轡乞火  
度新嶺僕夫迷所經遙遙到前館華燭絢雲屏  
同遊三君子相見眼俱青西陵幾千里雨節正  
飄零放臣抱竒氣去住有山靈許子復隱几黃  
叟鼻如霆對坐獨謝子擁衾誦黃庭

度義江至芋原

樓船隨洪濤開帆渺江路虎山秀色來沿洄得  
夕渡海門莽層丘驚心屢前顧去國浮踪遲乘



操亦情素篤象廻虛櫺莫辨津頭樹過家復辭  
家未協滄洲趣榜人占星河風波野泊暮潮遠  
細蛟螭術荒遊狐兔芋原流且平旭日群飛鷺  
綺散梅崖煙珠分欖洲露親知隔丘園招攜三  
子晤

芋原送以瑞一兄歸二首

鴻鴈求其侶廻翔江之濱同袍惜離別况乃骨  
肉親伯氏同吾祖相愛本天真送子及三宿雞  
鳴間前津遊子懷徃路明發意逡巡黯然無一

語尊酒協茲晨兄歸烏石舍予拂西陵塵病骨  
尚如削全生感 皇仁瀟湘異物候瞻雲慰旅  
人

管者罹憂患妻孥同難虞邱舍祇童僕流言生  
死殊兄來問吾病萬里六月徂倉皇淮濟路戚  
戚形骸孤信息漏缺刺酸辛非故吾赤埃紛圜  
土白日照天衢志士甘飢渴械繫亦何需生還  
乃偶爾况復微官俱相見滄如雨吾病猶人扶  
十口有歸計奚但存頭顱路舟水程遠寒風吹

野蒲骨肉幾歡會彭城及姑蘓嚴慈倚門望摩  
撫舊愁無百年異苦樂四老同桑榆眷言春樹  
好芳日聞提壺

伯父母  
俱存

水口上灘

篙師步如蟻伸手刺方舟春寒莽空濶孟月逾  
深秋上灘高數尺下有深潭幽亂崖蹲水口一  
線生虛颼沫深鳥雀避濤怒蛟龍愁高春行十  
里目力眩衝流蹉跎去國遠路危未銷憂呼童  
助三老回斡非其儔腥嵐甯石罅斜日廻蒼丘

蓬門有尊酒誰與話綢繆

宿杉關館四首

鄉心燈前搖路岐悲未了疎簾寄雲端野嘯聞  
天杪誰拂華胥魂合眼青山曉

謀生不自閒胡牀負倥傯起視關月斜蒼屏山  
蹤矍忽憶紫雲遊婆娑蒼石洞

旅人偶同鄉談鄉伴予宿香篆坐來清蕭蕭風  
前竹明星客行多予亦炊梁熟

吳粵分杉關遙遙新城道遊子漸加餐寄書苦

不學書中何所將風塵恒自保

宿陳博士讀書處聞談明水之勝并摘其  
韻作詩五首

卜築俯名山茅齋杳靄間空翠頻攬結悠悠遠  
世關知君松柏操能駐風塵顏

杜鵑幾樹花春日野人家醉來歌白紵青萍舞  
自誇山中多芋栗莫種邵平瓜

幽棲愛景光藜榻布被暖客來坐雲根谷口蒼  
霞滿山鼠避人喧日浮松花短

入山深未深萬事初青鬢玄房苗三芝達觀陟  
千仞雲霄得御風猿鶴時間訊

之子燕京歸言言欲采薇門踈車馬迹榻有芟  
荷衣我愧遊江漢風塵日是非

愧瘖集一卷終